

國

朝

詞

綜

國朝詞綜卷十一

青浦王昶纂

汪森 十二首

汪文柏 一首

王顯祚 一首

曹爾坊 一首

曹爾埏 一首

吳之登 一首

黃延 一首

吳秉仁 一首

董以寧 六首

牛奐 一首

魯超 一首

梁允植 一首

梁天植 一首

曹封祖 一首

陳慈永 一首

徐喈鳳 三首

黃朱芾 一首

黃錫朋 一首

程康莊 一首

朱克生 一首

吳棠楨 二首

錢廷枚 一首

吳本嵩 一首

張星耀 二首

吳壽潛 一首

朱輅 一首

凌如升 一首

王會同 一首

汪

森

字晉賢桐鄉人由監生官戶部郎中有小方壺存藝詞三卷

朱竹垞云晉賢居間鄉黨妻子樓積書萬卷其上面哲昆周士治別墅後亭北令弟季青後居惟城往來調唱不厭戶庭名流秀望企其風尚家藏宋元人詞集最多取而研究之故其詞能標舉新異一洗花間草堂陋習

摸魚子

庚申正月三日送仲兄還里時余將赴西湖讌集之約

正端居歲華剛換風颿便欲催去鴿原鴈渚愁邊別羸
得與春相遇山店住早凍雪消殘又見林梅吐那時情
緒料燈火元宵也應夢到湖上斷橋路鄉園遠莫是
蕭條如故卸裝爲埽邱墓松羔柳稚當年種未識青青
幾許停醺語算只有邨翁溪友同歡聚霜橋烟鷗訝長
東牛腰小鋤鴉嘴遲我學農圃

又詞綜告竣時錫鬯徵授史館寄以此詞

記孤城匆匆解纜津亭忍折楊柳蒲葵小扇涼生夜還
似去年時候京國久旱獻賦聲馳未讓誰爭首詞編也

就念北注關河縹緲遙寄問當意曾否
儔班馬一代推君巨手燃藜定到清晝
鵷行袞袞朝天處蹀躞紫駟嘶驟龍宴
厚有六膳三漿旣醉沾堯酒愛茲良邁
想花影移甌銀魚繫綬人道謫仙又

望梅

露桃花下是誰教當日與伊相見看
盈盈綠髮青娥更小揭湘簾層波微盼
密約芳心已惹起柔腸千轉悵蓬山路
杳洛浦波寒此情無眼依稀去年嬌面
到而今重訪洞口人遠想爲郎憔悴多
時只流水飛花也知來晚念被清愁又
蛩恐停杯難遣把從前翠禽寄語幾番

錯怨

步蟾宮

查梅壑余同里人也其山水清迥超然物表丙辰夏始晤於平江寓舍近以小卷見寄謾題此闕愧未能盡畫中之妙耳

平沙雁叫西風冷看江上月明人靜一聲何處玉龍哀
空極目烟中孤艇數峰依約渾如暝怕路遠歸期難
省寒波不斷古今愁渺一片蘆花無影

瑣窗寒

輕嬌女郎嘗于九日載菊花相賞余與同堂諸子賦美人送菊詩今別去五年矣輒對黃花悵然有感

南國閒情東籬雅事細車難遇空餘蛺蝶惟有冷香庭
戶憶題詩黃昏那迴定情目艷心先許想西窗夢後燭

國朝詩集卷十一
銷香黯又誰爲主 秋莫花無數歎蟋蟀愁吟倦懷知
訴綠鬟髻髻小徑漸成塵土縱魚邊芳訊未來錦箋漫
滅曾念否算蓬山遠隔千重恁識此情苦

蓮陂塘

得竹垞札云有此調次前韻見答尙未寓目賦此再寄

晚秋天朔風初勁江間吹斷枯柳離多贈遠難爲緒蚤
是雁來時候凝竚久更日近長安城角空搔首吟成書
就想珥筆西清心期問夜曾解寄來否 絲綸掌換却
垂竿釣手鸞坡玉署清畫金蓮散影紅鐙遠且喜銀鞍
馳驟君意厚肯寫與新詞一讀傾卮酒佳期難違但莫
倚江東愁連錦北回盼小詞又

夏初臨

暗柳吹綿香蘼照雪併教晃漾晨光潋旭移檐竹風弄
影偏長昨來種藕池塘葉田田早雜蘋香闌門掩處屐
聲新雨不到虛堂 堤平帖石檻曲通流紫鱗一躍翠
羽雙翔高桐覆井飄花多在迴廊解帶微涼挂絺衣蘿
月疑霜且吟商琴絲乍停人倚銀床

臨江仙

長憶裏湖芳草畔春波曾泛仙槎輕衫肌雪透冰紗閑
停雙槳看殺並頭花 一瞬韶光容易過誰憐錦瑟年
華鴛鴦十二浴晴沙東風依舊何處覓香車

探春慢

雪夜小集旅農別去竹庵索余賦此

弄暝催寒朔風翦翦漸飄滿徑香絮石磴斜鋪紙窗密
灑牽動幽懷如許試揭簾輕埽早微颺茶烟一縷更看
紅子欹檐映出蒼筠低戶喜共驅寒樽俎正凍筆難
題有人催句燭跋將銷鑪熏未散門外客歸無路縹緲
朱樓迴揔莫辨梨雲何處明日溪橋待訪前邨孤樹

摸魚子

簡陳書厓

記收帆梅花溪上循籬一徑曾熟頻年夢結金荃好影
落銀蟾梁屋畱信宿勸鸚鵡盃深不惜傾醺醑君才十
斛縱山隱除成雪樓句在謂南邨爭得似西麓房櫓

蔚園

靜架插牙籤萬軸賞奇月許同讀北垞晴翠荷垣短分
映幾枝寒玉銷暑溽那更是幽蘭灑雪清芬續五茸別
築想鱸膾葦絲西風一艇還向澉湖曲

浣溪沙

油壁輕車斷陌塵綠楊門巷晚恹恹一春歸去暗花陰
風定不來新燕子香疎空沁舊蘭心曲屏近底最沈吟

巫山一段雲

春雨

野霧沈山郭春潮撼浦沙隔江一帶好人家烟暝柳旗
斜細語明雙燕相看冷暮鴉冥冥風急落庭花吹影

過窗紗

汪文柏

字季青桐鄉人監生官北城兵馬指揮有柯亭樂府一卷

一枝春

西溪探梅

畫樂尋芳趁東風又過西溪烟渚生香樹樹遮却邨莊
無路輕陰宿靄作花信幾番空誤板橋畔疎影臨波不
怕雪欺冰妬恍疑置身瑤圃正雲閒月淡美人來處
妝晴媚曉如語其傳心素畱春未住恐成片白雲飛去
還只恨譜入橫吹一江冷雨

王顯祚

字甚求曲周人官至山西布政使

點絳脣

報繼同竹垞賦

青粉牆高是誰紅索中搖曳窄衫初試轉覺腰支細

冷笑江南不省春游戲層檐底畫裙窄地生怕風扶起

曹爾坊

字子閑嘉善人以子鑑倫貴贈內閣學士

風入松

細腰難禁曉風尖催放水晶簾蝦鬚一幅畱春住幽蘭
畔玉笋纖纖臉暈半侵紅藥手香初剝黃柑淡羅衫
子索頻添小幔捲銀蟾鴛鴦鉞線無情緒私心向柳卜
花占小豐紅箋未穩偷將恨字輕拈

曹爾埏

嘉善人

青玉案

惜別

曉粧終罷香雲擁正臨別將心捧解珮凌波疑似夢莫
愁湖畔洛神江上唯有春潮湧關山迢遞須珍重銷
魂最怕鶯聲弄拾得離懷千萬種繡簾風裊綺窗人靜
羨殺秦樓鳳

吳之登

字雲客餘姚人有粵游詞一卷

陳集生云升公詞幽想長思徑致獨絕

二郎神

新綠

恨花惡劣未春老歛紅藏白漸葉密樓遮枝交窗暗換
却陰陰一色漸殺今年尋芳晚但賸却小園深碧看只
待蟬來還防蜂趁落英難覓追憶瓊雲粉雨不禁痕

籍任醉帽吟衫染將空翠腸斷桃源路隔草影裙腰黛
痕眉角辜負佳人消息真錯怨簾外東風幾陣掃香無
跡

黃

延

字繼序
仁和人

蝶戀花

楊柳梢頭春又褪弄雨拖烟怕殺黃梅近眉黛忽來前
日恨菱花羞對鴛鴦鬢夢裏雙魚難借問斷粉殘紅
已覺飄零盡泪眼模糊何處認東風只有相思分

吳秉仁

字子元山陰人
有攝閒詞一卷

一叢花

晚泊章江

幾番冷暖做陰晴
帆影隔江城
落梅萬樹東風裏
才寒食又過清明
山杏香殘溪桃紅褪
岸柳拂長亭
拚將春老杜鵑聲
夢斷旅魂驚
沙迴烟際孤村遠
銷凝處漁唱堪聽
數點歸鴉半灣流水
斜照下荒汀

董以寧

字文友武進人貢生有蓉渡詞三卷

鷓鴣天

荳蔻香含正未笄
三年嬌笑手長携
羽衾熨處分龍腦
羅幙縫成索窳臍
花並蒂燕雙棲
合歡猶卜紫姑乩
旁人已道成連理
惹得春山翠黛低

又

繡苑晴光盡日佳更無愁思望天涯名花結果春前定
小鳥姻緣枝上諧一纏錦帶脫金釵秋千架子近香街
絲繩握處開裙衩多少香風正入懷

又

賦得將離向綺窗桃花流水送游鱗柔腸乍結先迴九
小字親鈎定取雙同玉案伴銀缸慣來一晌不驚龐
多情恐逐浮萍去發願拈鍼繡佛幢

又

兩小無猜直到今丙寅鵲腦慣同斟鴛鴦向午常交頸
荳蔻多時始見心會賦別幾嗣音天涯南北雁難尋

歸來朱鳥窗前看應有蛛絲網畫琴

十月丙寅以鵲腦入酒令人相思

又

何處春風着柳斜深深庭院綠陰遮每彈指處聞花嘆
自抵牙時爲曲差頻減膳漫呼茶莫將惆悵餞年華
門前流水藍橋鎖猶度當初金犢車

又

昨夜天孫罷錦梭輕槎無恙到明河幾經私語全珍重
再試真心薄譴訶羞月姊避鸚哥玉人頻問夜如何
最憐蝴蝶驚魂驟輸與莊生曉夢多

牛

夙

字若子長治人
官楚雄府知府

一萼紅 寒食寄方渭仁陸雲士

古牆陰過幾番肥雨斑駁紫苔深客裏蕭條又逢禁火
舊約有夢難尋暫偷眼艷陽風景又花殘片片攪春心
日暮飛來一雙燕子對舞紅襟 忽憶長安游侶正鳳
城賞徧歸騎駸駸向晚春宮輕烟初散刻燭爭自豪吟
問何處腰輪御柳賸東陽憔悴到如今寂寞飭香酒冷
月影沉沉

魯

超

字文遠會稽人監生官至廣東布政使有謙庵詞一卷

賣花聲

新秋雨霽見隔水閨秀理妝

疎雨束輕涼微漏殘陽竹屏茉莉吐清香人在綠蕉窗

底下初試羅裳 吟軋弄漁榔搖漾雲光隔溪蓉柳學
新妝佯向清波搖扇影驚了鴛鴦

梁允植

字承篤真定人貢生官延平府知府有柳村詞一卷

臨江仙

湖上曉行用六一詞韻

薄霧冥濛殘月歛城頭一片鴉聲寒拖烟縷水波明繞
蘭海曙幾朶紫霞生 柳岸輕塵衰草路霜蹄小墜行
旌青螺髻外白雲平凋荷飄漾欸乃一舟橫

梁天植

字雲麓真定人

小重山

重游虎邱

七里山塘碧浪柔滿空香霧繞濕蘭舟千人石畔憺輕

謳斜陽裏綠樹掩朱樓
鶴澗俯滄洲
轆轤雙井斷白
雲浮旗亭買醉任風流
難消受名勝此重游

曹封祖

字子山奉天人
官涿州知州

玉連環

春連繡閣衣香潤
半腔幽恨玉環搖動寫愁心
隔竹時聞清韻
簾外風傳花信
情深難盡中宵徙倚伴銀燈
兩兩墜釵橫髻

陳慈永

字貞期海寧人
官中書

清平樂

宮詞

禁庭春暖花裏吹新管
玉帳鴛鴦午夢短
樓上紅銷輕

卷 日斜重整雙鬟含情小立花間三十六宮燈火羊車知在誰邊

徐喈鳳

字竹逸荆溪人官雲南同知有蔭綵軒詞一卷續集一卷

徐野君云竹逸歸來將母優游願息齋中所作詩餘蕭寥工雅兼備風騷如聆清瑟不覺意消心遠

點絳脣

春雨

紫媚紅嬌園林正好春如繡夜來雨驟孤枕驚簷溜

曉起憑闌寒氣侵衫袖陰雲厚沉沉長晝花與人同瘦

浣溪沙

春閨

細雨斜風翠幙幽濕雲一片罩春樓樓中心緒冷如秋

香熱博山烟帶悶鳥啼隣屋韻含愁小梅無語倚牆

頭

黃朱芾

字奕藻青浦人以貢生授光祿寺典簿官至鎮安府知府

望湘人

午日立夏

正炎風炙柳濕雨蒸梅殢人無此長晝釵簪停簪臂絲
慵綰薄畫遠山初就倚向樓頭楚天遮望眼波空涵恨
無人訴與相思獨理香囊殘繡佳約如今難又記冰
桃共削蘭舫同扣展六幅屏山可是風光依舊蒲觴泛
龍菱歌斷後只聽新蟬哀奏更將來併作傷心漸與花
陰俱瘦

黃錫朋

字楨伯宜興人
官安仁縣知縣

水龍吟

春思

一竿紅日催人起來百舌枝頭鬧韶光初媚花期將屆
條風先報垂柳含嬌平莎帶嫩正堪游眺歎黃塵紫陌
蘭臺走馬知辜負春多少猶是輕寒料峭問良辰芳
菲漸到江汀烟靄紅橋畫舫幾人歡笑靚女明粧踏青
歸晚不勝窈窕未多時又是雙雙紫燕穿簾門巧

程康莊

字崑崙武鄉人
官澤州知州

桂枝香

州城懷古

吳頭楚尾恰把酒茫茫凭闌無際眺望山形依舊江濤

如此夕陽落遍晴帆遠挂譙樓西風影裏伯符兄弟寄
奴賓客飛揚颺起憑誰信英雄不死但滿日蒼涼暮
雲平矣虎踞龍爭贏得江山雄峙金鰲鐵鎖今銷歇只
京口沽來酒美旗亭月滿長堤燈火紫簫聲沸

朱克生

字國栢寶
應人諸生

浣溪沙

紅橋卽事

一曲紅橋三兩家門前過盡七香車碧楊深處拓輕紗
疎雨掠風偏細細晴波受月故斜斜無情有思隔溪
花

吳棠楨

字伯懋山陰人諸
生有吹香詞一卷

相思引

金陵舊感

珠殿金宮帝子家
春風腸斷石城鴉
蔣山明月曾照後
庭花
人去臨春歌舞歇
流螢飛入內人斜
舊游何處
潮捲一江沙

山花子

狼藉殘花水面紅
螺床珊枕夜曾空
漏盡寒烟人不寐
小窗東
白苧城邊千里月
黃花戍外五更風
兩地愁心何處寄
雁聲中

錢廷枚

字照五仁和人諸
生自和鳴集二卷

點絳脣

楊柳

冷落垂楊那堪折盡無人惜露痕長滴都爲誰狼藉
走馬章臺日暮歸南陌渾無力寒烟搖曳不似春前色

吳本嵩

字天石宜興人有都梁詞一卷

水龍吟

梅雨

綠楊溪水平橋雨聲一夜新荷碎沈沈庭院濛濛屏障
厭厭殘醉細浥牙籠頓寬箏柱又寒鴛被聽鶉鴂相喚
磯頭池角報簾外東風膩烟靄欲明還未但悶壓曉
來天氣汗粉生潮酒香成暈不關珠淚極浦蒼茫野田
瀾漫阻人歸騎正梅黃迤逗閨中心性似伊滋味

張星耀

原名台柱字砥中錢塘人有洗鉛詞三卷屑雲別錄一卷

雨中花

暗竹敲風聲不定正凝望夜庭寂靜寒雁來時一天霜
露烟薄芙蓉冷不對銀蟾嫌漏永空憶着舊家門徑
翠幙籠香紅燈映水歸夢迷花影

臨江仙

翠管金尊留不住青山又送斜曛長堤柳絮落紛紛紫
騮嘶漸杳朱戶掩黃昏獨自燒香臨欲睡無言重溫
啼痕子規頻喚那堪聞春花都作雨曉夢不成雲

吳壽潛

字靈本
江都人

掃地花

重簾未下正林外疎鐘聽來聲緊爐香欲盡便濃熏翠
被夜深還潤雨洒紗窗燈蕊暗搖青暈等今夜難覓夢
緣空有愁分舊事頻暗忖記帶露簪花和香裏粉妝
成輕俊更臨風倚醉低頭笑認月墜西樓猶自倚嬌未
困那知道向而今恁般孤悶

朱

輅

字子殷
平湖人

蝶戀花

十里西陵楊柳渡紫陌風光何事留難住借問落花餘
幾許蒼苔點破前宵雨兩兩鴛鴦沙上聚無限含情
芳草王孫路紅豆初開春漸暮惱人正是相思樹

凌如升

字曰旦
嘉興人

風中柳

愁

無限春愁縈繞心頭眉角對韶光轉添寂寞淚彈紅茜
是處衷情惡奈楊花亂穿簾幕樹底啼鶯不管離人
蕭索一聲聲向誰啼着爲伊憔悴漸帶圍寬却最難禁
夢魂飄泊

王會圖

字昭令號澈溪
青浦人貢生

醉江月

旅夜懷人

柴門深掩正歸鴉噪晚又經離別昨夜挑燈頻絮語此
後相思重結旅客懷鄉愁人說夢幽境真淒絕天光如

洗照來形影孤子 堪歎寒色侵衣舊游何處空憶前
時節流水長橋村店小還浸一朶明月冷逼疎砧聲隨
斷簫吹下梧桐葉家山回首印泥休問蹤跡

國朝詞綜卷十一

國朝詞綜卷十二

青浦 王 利 纂

高不騫 九首

魏允札 三首

陸進 一首

鈕琇 一首

孫鉉 一首

余光耿 一首

王潞 一首

唐虞 一首

陸次雲 二首

萬樹 一首

畢大生 一首

丁介 一首

姜培穎 二首

葉舒璐 一首

趙維烈 三首

錢穀 一首

沈豐垣 二首

江士式 一首

王紹 一首

曹鑑徵 一首

王熹儒 一首

呂鼐 一首

王廷璋 一首

王樞 一首

應振聲 一首

徐鄴 一首

曹濂 一首

牛日收 一首

諸匡鼎 一首

高不騫 字查客江南華亭人官待詔有羅裙艸五卷

燕山亭 花朝對雪懷鄉里作

欹枕慵聽低語隔窗盡說朝來淒冷沈炷暗消別院秋

千間了樹頭紅影不淺芳情奈小巷花聲猶靜苔徑看
積素融殘粉痕重凝 回憶鄉國年時門葉葉單衣玉
蘭風猛尋春到處樵弟漁兄歌撈鎮常相並旅夢今宵
悵有路欲歸還醒冰鏡添一半冷光破暝

憶舊游

九日同山農行毘陵道中有懷東臯雅集

對圓沙仄岸小驛低橋一綫牽船不淺登臨興問毘陵
古道何處山川幸同故人秉燭相向意悠然但逢底良
辰紫萸黃菊難到樽前 回憐舊游地正隔水排燈帶
月調絃繪就西園景看白鷗佳句爭寫蠻牋記得沈郎
曾訂北墅更開筵笑我獨閑行今宵祇有清夢還

探春

竹垞檢討還朝賦此送之

采盡珊瑚江南勝地還教指點歸路候東相迎故人作
伴吟過碧湖烟雨未遂留連意又游到舊曾來處笑携
蓮子深杯話我羅裙新譜正好幽情暢敘翻疑恁匆
匆芳歲催暮客散鴛波槎迴鳳沼冷落白鷗洲渚斜月
依然在知後夜照伊何許怕惹相思門掩寒梅一樹

南浦

秋水

木葉下橫塘訝荷香殘後依稀紅染浴處舊鴛鴦平橋
路嫣然拒霜開遍月明三五碎瓊搖漾波心淺成片雲
羅飛過處弄影幾番曾見新潮乍去還歸任渺渺長

空迎鴻送燕人在闌江樓西風裏空認布帆千點長天
一色可能流盡蘋花怨漁笛隔溪幽興好烟際飄來聲
遠

月華清 十五日夜對月書懷

雙鳳城邊小山花候月華當此偏勝雲際無風澹了碧
痕千頃更誰數春信溶溶也宛有霓裳留映銷領引多
少秋嬈夜香芳徑 何處謝公樓畔聽絲竹聲中倚簾
人並笑語低颿擬盡玉盤金鏡不分對沙塞清光但夢
遶湘江寒影還省負枯荷池上曲廊間靚

疎影 竹影

搖搖一片正綠雲初度曉涼庭院書幌人間認取寒垂
渾是雨飛千點將携窗底琉璃匣寫橫披半竿葱蒨最
憎他脉脉斜暉轉到那邊欄檻 盡日隨風高下看來
璧月裏依舊零亂不比花枝春晝秋宵更却幾回濃淡
遠宮殿消沉後任淺暈年年荒薜問楚江帝子啼痕
蕭瑟碧波低蘸

風入松 秣陵遇岑青巖卽送東歸

秦淮十里柳參參近接小長干故人憶別春城路青鸞
杳音問難傳不道西來游屐正逢東去吟鞭 客懷能
幾爲君寬又理舊征鞍一鐙水閣歛眠慣如何對紅樹

千山更惜滿湖明月誰同後夜憑欄

疎影

秋柳和秋錦

橫江鵲首算青青曾幾搖落今驟金勒誰過玉露空迷
傷心一片烟埃玲瓏葉底輕蟬翼藏不到雁風吹候記
春前寄與相思小閣玉人垂手我亦漂零如許相看
無一語裂帛湖口徑轉斜陽滿目空魂應悵閒門非舊
晚來更挂梢頭月照冷夢頻廻吟牖認幾枝憔悴黃昏
還伴短籬花瘦

瑣窗寒

清明已近庭杏未花爲賦此詞先懷鄉墅

社公雨過禁烟看近落花歌斷南皋此際開到滿林紅

艷挂方塘。蠟粉牆腰一枝影動柔藍淺。勝竹籬門巷幾
枝斜映酒旗風閃。吟館西園畔。認瘦影離離午陰庭
院。繞樹千迴芳意。那隨春轉。記冶游伴侶。自誇曲江盡
日香霧捲。恁而今雙燕飛來。繡簾空翠剪。

魏元札

字州來嘉善人諸生
有東齋詞畧四卷

柯南陔云東齋始學稼軒縱橫排募不可捉
搦旣而焚香靜寄灑然有得鏗除豪氣一歸
清雅

疎影

贈穀山兄移居

閒雲片縷便。偶歸別岫。仍在深處。只有門前依樣垂垂
換了幾株新樹。無多剩粟。連瓶挈笑已盡山翁家具記。

年時細劈吟箋且付挂瓢裝去 遙指譙河那畔籬邊
記采菊剛是秋暮老屋三間月澹霜濃冷落非君誰主
生來也爲耽詩瘦况另闢浣花溪路等弄殘重疊烟波
歲晚與鷗同住

洞仙歌

送東園弟之崑山

江楓如醉款小春天住晴色涵波載人去奈無端釀出
薄靄輕烟添夜半破夢聲聲寒雨 看山何待遠古渡
城頭好問苔封舊時路悄自上花船帶得琴樽又新換
此番游侶共攀躋感懷最誰深想不少清詩在憑高處

法曲獻仙音

送客再游臨江

霜鶴衰翎雪鴻疎爪已倦風塵游歷鳴舅青中鼠姑紅
裏却嫌故園岑寂向前度勾留地商量更携屐 戒行
急趁烏蓬大江西上見慣了茫茫遠帆如織隔浦暗雲
烟儘林巒曾舊相識野寺幽尋且休將名字書壁怕山
靈嗤笑道是去年殘客

陸

進

字蓋思仁和人貢生官溫州府學訓導有付雪詞一卷

醜奴兒令

垂柳

臨風欲去却又依依春絆住眉嫵鬟垂玉鏡臺前憶夢
時萍蹤水面牽惹柔腸纔一線故故鶯啼花影斜陽
在水西

鈕

琇

字玉樵吳江人貢生官高明縣知縣

摸魚兒

尊

過桃花水痕初漲吳天遙寫晴鏡生如釵股浮清出鳬
葉羃波常淨烟路迥更荇帶荷錢接疊還相映香寒色
瑩喜犀筴凝脂磁甌泛玉鹽豉點偏勝紅塵夢莫教
秋來未醒當時鱸美誰並歸心一夕愁波起貯得幾絲
清冷應猛省是到處西風堪動扁舟與鷗飛鷺瞑想千
里茫茫高人獨去翠剪半江影

孫

鉉

字思九江南華亭人諸生有繪影詞錄冰詞各一卷

盧文子云思九詞其精麗圖妥處不減梅溪片玉

漁家傲

潑潑衝波鴻鴈舞湖光十里迷烟霧款乃數聲拖笠雨
誰共語女兒浦口停船處 狎到溪邊鷗與鷺臨風自
唱滄浪句列坐船頭忘日暮留不住蘆花風緊催人去

余光耿

字觀文婺源人
有梨花詞一卷

四庫全書提要云光耿父懋衡於明末遭黨
禍光耿少而孤苦中多感慨往往託填詞以
自遣滿江紅諸作思親憶弟寄托頗深其以
蓼花名者殆亦取多難集蓼之意歟

天香

笠

遶葉裁雲纖葉削月圓陰宛轉如纖浪白鷗鄉山青犢
背欹處禁他風力斜陽歸去剛覆住渾身影窄祇恐乘

車故舊相逢未應相識 江南倦游賦客撫頭頗羨他
閒適滿鏡曉霜如此恁時戴得恰稱烟蓑料理判一棹
蘆花髻堆白鷺響秋聲雨絲飛急

王

潞字又韓
餘杭人

風流子

客懷

晚風吹落葉征途裏倦客黯銷魂又寒鴉點點驚棲不
定悲笳陣陣淒絕難聞半生事懷中和主淚馬上洛陽
塵秋滿關山一天涼月春濃樓閣幾處黃昏還憐孤
飛雁因何事天外哀喚頻頻正是漏聲清悄夜色初分
料不傳遠信上林飛雪還尋舊侶衡岫迷雲空伴殘蘆

枯荻寂寞江濱

唐虞

字協聞嘉善人諸生

青玉案

少年情緒傷春懶把筆便成題怨辜負雙蛾頻解勸此生能幾當杯須飲怎賤將春看而今憔悴天涯畔欲寄音書倩霜翰無限青山烽火遍酒徒零落朱顏銷歇愁聽寒蟬喚

陸次雲

字雲士錢塘人官江陰縣知縣有玉山詞一卷

四庫全書提要云次雲北墅緒言有屬友人改訂詩餘姓氏書蓋因西泠詞選借名刻其詞三首故力辨之高士奇稱其自處甚高今觀其作乃往往多似元曲不能如書中所稱

同秦蘇辛體也

相見懽

游絲

晴空吹落游絲意遲遲細似篆烟一縷弄柔姿
臨欲去還絆住在花枝正是冶情搖漾暮春時

攤破浣溪沙

池館春深柳數行風搖蘸水皺清光忽聽雪衣籠內說
晝初長新笋成竿過舊竹低花飛片出高牆此際那
堪人獨自看鴛鴦

萬

樹

字紅友宜與人
有香膽詞一卷

浣溪沙

魚子蘭香曉露滋
起來移近繡簾絲
嫩黃初翦兩三枝
喚得雪兒教捧去
葵花小合豆青斲
謝娘剛好曉妝時

畢大生 字雨秋青浦人貢生

賀新郎

葉葉留殘雨
漸聲聲阿香車遠
斷虹催暮
碧海冰輪誰
扶起不著片雲遮
護便脉脉金波欲注
人倚小闌形伴
影對一天涼月
都無語傳酒罷漫延佇
流螢時學疎
星度悄虛齋
畫簾高捲桐陰當戶
玉簫涼生綃幃掩水
面薄籠烟霧已不覺
酒移更鼓枕上夢魂無定準
倩西

風吹到思量處去未得恨千縷

丁介

字子石
仁和人

南柯子

落日家何在寒雲路幾層
離情黯黯已三更愁煞夜深
風雨過郵亭柳外金鈴濕
樓前玉勒停天涯何處不
飄零休問萬重波浪一浮萍

姜培穎

字直貽
錢塘人

浣溪沙

閨情

小苑春深怨落英
曲池風細綠波平
一簾疎雨近清明
可恨杏梁棲燕燕那堪柳浪坐鶯鶯
午餘殘夢最關

情

小重山

雜揚懷古

隋苑春深燕語柔
柳絲牽鳳舸
客來游烟花如錦
月如鉤
笙歌沸二十四橋頭
往事已千秋
而今憑眺處
不勝愁
和溝依舊向東流
人影靜
烟草舊迷樓

葉舒路

字景鴻吳江人貢生有月珮詞一卷

南歌子

鷺淺初勻額
雲低乍壓鬟
琴心漏出小眉灣
手摘雙頭蘭蕊
暗生憐語
燕窺間繡啼鶯怯
小眠夜來私語
綺窗前
因甚蟾輝三五未曾圓

趙維烈

字承哉上海人
有蘭畹詞一卷

丁荔園云承哉爲半眉進士猶子其詞鍊格
流麗處妙極自然

一痕沙

懷潘臨州

記得君行春暮三度落花飛絮莫道不相思雁來時
雁到曾傳芳信只是歸期難問極北望燕關隔雲山

錦堂春

秋閨

溪冷雨凋楊柳林疎風落梧桐玉闌人遠音書斷何必
又飛鴻寶鴨香殘心字銀缸淚濕愁紅怕看今夜天
邊月莫更照簾櫳

踏莎行

雲散高城烟收平楚南風五兩搖柔艣幾層新綠暗江
村桔槔聲裏黃梅雨 水縐魚鱗柳梭鶯羽尖尖蘆筍
抽沙渚故人家住板橋東扁舟待指橫塘路

錢

穀

字子璧江
南華亭人

畫堂春

春陰

朦朧烟鎖畫樓高樓前楊柳垂腰杏花昨夜隔溪銷一
片紅潮 半捲半垂簾幙漸微漸遠蘭膏無心更取翠
蛾描望盡春郊

沈豐垣

字通聲錢塘人
有思詞四卷

吳興山云蘭思詞如獨憐春草不成花看盡
晚雲都做水怪底窺人鶯不語綠楊枝上微

微語妙語天然直臻神境

千秋歲

旅夜

客庭遙夜懶聽秋蟲話
眠未得愁還惹芭蕉疎雨滴楊柳輕烟掛
鴻影過碧天露冷秋如畫
風透紗窗罨搖曳殘燈地
又戍鼓敲初罷夢回青瑣閣
淚在紅羅帕人欲起萬山曉月聞嘶馬

點絳脣

春愁

花霧冥濛春愁一片渾如病
鶯啼芳徑門掩垂楊影
漏斷香微還是殘宵永傷孤另
青天明鏡獨照深閨冷

江士式

字梅墩休寧人
有夢花詞一卷

蝶戀花 燕

遠眺平蕪天際染纔蘸春波雙股風前剪帶有紅絲輕
一線綠陰多處楊花點 不作呢喃輕過眼慣逐低飛
怕趁湘簾捲啣住落花心又軟留春且住深深院

王

紹

字越生宜興人有鳬亭詞一卷

浣溪沙 春盡

望去平林煙晚霞夕陽移影近簷牙杜鵑啼損杜鵑花
小石砌邊勻草甲曲闌干外散蜂衙春愁畢竟有些
些

曹鑑徵

字徵之嘉善人布衣

山花子

小院西風木葉殘
新愁勾引到眉端
人與嫦娥共憔悴
捲簾看塞雁不傳千里信
隣雞初報五更寒
一自意中人去也
淚偷彈

王熹儒

字勿齋
興化人

臨江仙

夜聽琵琶

螢火光微疎樹暗
夜寒滿地霜華
誰家燈下弄琵琶
十
三橋畔細語隔窗紗
慢撚輕攏猶未歇
西風落葉啼
鴉聲聲彈落小梅花
淒清孤館無夢到天涯

呂

龍

字薪水
秀水人

國朝言部卷之二
滿江紅

金井梧飄蚤送着半簾涼吹步汀洲菊英未放蘭馨吐
媚月轉三更庭藻冷霜酣一夜江楓醉惹閒愁羌笛數
聲幽驚清竦 颼颼葉林頭墜蕭蕭影窗前碎看一潭
清澈數峯染翠旅雁傳將閨裏怨淒蛩喚出羈人淚賦
悲秋宋玉最情多添憔悴

王廷璋

字德威
仁和人

南柯子

立春

臘向今晨盡春從細雨來看山徐過小橋隈昨日梅花
已趁夕陽開 曲徑寒雲隔幽枝蝶夢回春情冷落舊

蒼苔換得新愁鸚鵡暗相催

王

樞

字次隱
仁和人

臨江仙

月夜聞笙

月照紗幬明似雪柳梢暗墜流螢青團扇子撲還停玉
階風細枕簟嫩涼生扶倦欲眠眠不得誰家樓上吹
笙蒼苔點點露痕凝闌干倚處樓角看移星

應振聲

字楓巖
黃巖人

漁家傲

一抹纖雲誰代掃汀洲無數開紅蓼天近中秋晴月皎
堤畔草露蛩冷語先秋老陣陣桂風香縹緲新涼吹

上羅衣悄總爲情根原未槁眠縱好轉愁夢裏添煩惱

徐

鄴字華徵錢塘人有
靜好集二卷詞附

昭君怨

初日光籠落月春草香街如髮車馬趁晴來起塵埃

人盡道樓子凝望綠楊烟裏何事粉香紅墜東風

如夢令 春冷

耐過一番春冷閃殺數枝花影日日懶粧梳閒却銀床

金井烟凝烟凝柳外睡鶯初醒

曹

濂

字廉水
安印人

滿江紅

題金陵覽古詩卷用白石道人體

滿紙閒愁一似聽深夜杜鵑知君過石頭城下玩弄吟
鞭細雨看山春草路斜風貰酒夕陽天盡六朝金粉寫
新詩雲母箋青溪水生暮烟白門樹倦飛綿憶梁州
子夜歌舞當年兩岸衣香調錦瑟一江花氣浸紅船問
舊時桃葉與桃根情暗牽

牛日收

字子穆
長治人

蘇幕遮

白雲來紅日去暮暮朝朝幾度流光曙家在天津城外
住畫鼓樓船總是傷心處杏花溪楊柳渡野水寒烟
夢斷前村路曾記年時遊別浦一片黃蘆飛出無邊絮

諸匡鼎

字虎男錢塘人
有茗柯詞一卷

鷓鴣天

人住紅橋第幾家
春風終日掩窗紗
無緣共宿鴛鴦鳥
有分同開姊妹花
眉黛歛鬢雲斜
玉弓恰喜繡裙遮
勝常道罷還羞見
曲曲銀屏照臉霞

國朝詞綜卷十三

青浦王昶纂

沈皞日 二十二首

孔傳鐸 一首

李璿 二首

蔣霽 一首

林子威 一首

李蕃 一首

吳儀 一首

張戢 一首

陳謀道 一首

徐梗 一首

俞士彪 一首

林全佩 一首

沈漢 一首

沈永禪 一首

魏學洙 一首

沈漳 一首

沈叔培 一首

陳聞 一首

仲恒 一首

周在浚 一首

沈聖昭 一首

于天麒 一首

蔣會貞 一首

孫琮 一首

陸楙 一首

顧戩宜 一首

計善 一首

王攄 一首

沈皞日 字融谷 平湖人 有拓西精舍集一卷

龔蘅圃云融谷詞況之古人殆類王中仙張叔夏蓋其博綜樂府兼括衆長固不盡出于二家然體格各有所近不位置融谷子二家之間不可也

紅娘子 緋桃

送我花間去畱我花間住紫洞吹香重門相映春風無
語忍飄零滿院舊苔痕又疎簾微雨小小芭籬護點
點紅霞吐含笑臨窗酖顏倚竹玲瓏欲舞畫樓西池上
與橋邊記劉郎前度

南浦 春水用玉田韻同蘅圖賦

新雨漲汀沙倚蘭橈正值江亭初曉隄墜亂桃紅紅橋
下斜映花陰如掃波紋沁碧一雙燕子凌波小乍罨晴
絲還又轉却誤銜來萍草漫從南浦催歸是閒情客
裏春游未了雙槳載笙歌鴛鴦起何處畫船吹到曲終
渺渺前溪漸覺鶯聲悄寒食今番過也報道慵裙人少

淒涼犯

子韶歸自江上詞以慰之

飛花雨漿催人去計程千里將半犀浦雪濤片帆何處
打迷沙暗閒鷗夢斷認楊柳誰尋深岸正無邊掠風絲
雨應把春衫換孤客真愁絕望極空江別離曾慣暮
雲似濤坐篷窗一燈零亂如此淒涼甚官閣猿啼鶴怨
問歸舟游情幾許莫更倦

洞仙歌

集韜荒寓樓

榆錢柳線漸啼鶯游倦喜得天涯酒徒健獨樓雲乍起
浮白狂呼心已醉肯負斜陽一片眼前誰是客芳草
春江還記春風滿團扇莫更問年時醉裏乾坤玉缸冷

空人遠指塔火揚鞭踏花歸有十二紅欄綠燈歌遍

摸魚子

舟中讀雪客梨莊詞漫題

向蒲帆吟殘一卷夕陽肯放西去烏衣當日風流甚翫
翠筆牀矜許歌白紵有秋水閒情更唱梨莊暮輸他縷
縷是嚼蕊吹香梅邊酒醒人在繡簾語碧桃下門掩
烟波別墅小樓常對紅雨分曹隔坐屏山底非雪非花
新句漁笛譜試付與尊前髣髴寶洲在青山無數認紙
上霞飛江間墨漬雨雨伴愁處

天香

龍涎香

雀尾無腥紫茸餘煙蛛絲畫屏初暝四角微溫八蠶小

炷織巾輕分鸞餅雲槎寄去還識得蛟宮風韻複帳徐
開縷縷菱花半邊旋暈 月明露庭酒醒臙熏爐年時
荀令舊事秋奩零落不堪重省縱返芳魂一夢奈十二
瑤樓路猶迴空裊餘烟蓬山雲影

摸魚兒

蕙

向南塘風吹魚浪麴塵不染深碧西冷短艇紅橋曲隔
浦斜陽漁笛潭影纖見羅袖輕籠素腕全無力倚舷欲
摘似半折瑤簪淡黃嫩紫入手膩無迹 疎蘋外記得
去年游劇汀烟滿目狼藉曾教越女分千縷歸路月華
初日燈照席費幾許春纖調送香羹出而今慢憶嘆楓

冷江鄉秋風起後未返倦游客

慶清朝

贈別黃俞邵用張玉田韻

柳暗鶯簾雨飛花慢鶴頭催渡桑乾墨莊萬卷杖藜何處尋歡早見茶蘼壓架畫欄已不是春寒莫岑寂看蜀江牋紙綿竹題殘忽漫相逢是別軟紅塵京洛古調誰彈燈船節近簫鼓烟月吹還隔浦酒人都散間雲一抹舊鍾山更須記曲橋流水門掩松間

滿庭芳

遲家信不至

野渡鶯疎官亭柳密春歸猶未還家碧窗燈暗半閣冷紋紗游倦菱塘人少正畫樓愁滿天涯雲橫斷鄉園信

香江樹日初斜 麥秋風雨夜客厨
藿淡嘗徧王瓜况
旗青闌赤歌遠樽賒望極烟迷水曲立
皆黃數盡棲鴉
憂來處誰能解此空寄女兒花

百字令

喜孝山來金陵

水西門外雨重門一舸吹來南浦
莫是傷春憔悴甚瘦
損腰圍如許我亦吟邊杜鵑聽罷
惱亂還鄉路江樓酒
醒背花人自無語
桃葉漸見燈船紅簾柳外月下催
簫鼓不遣閒愁眉黛
感且共鷓鴣畱住水幕山牕載琴
載酒正好開懷處
題詩殘照秦淮多少烟樹

疎影

寄懷曠菴

花寒夜五正簾垂簾拂故人愁處柿葉翻時空帳孤鸞
酒醒背燈誰語淚痕驗取新正破便記起粧樓如雨縱
芳樽不減吟箋總是安仁詩句 况值離羣遠別閒居
爾有賦我更羈旅木末茶烟雙塔松風兩地相思春暮
弄珠九派湖光碧爭得似虹橋低樹認巷邊門掩烏衣
燕子飛來飛去

醉落拓

寄慰家叔輪兄

孤鸞罷舞鏡中化作雲歸去吟箋冷落紅樓樹偏是愁
人正在動愁處 空庭梅子黃時雨繡籠誰與調鸚鵡
冰絲重翦悽箏柱腸斷春游相寄斷腸句

摸魚子

同山表兄招同右吉子葆錫集倦圃命賦攜李用錫體韻

向金陀濃陰曲院垂垂猶帶清露主人投客含消味蚤
是玉壺無暑精舍古自夢杳藤牆幾度能逢汝白沙翠
渚記步屨春風穠花縞夜吹落半庭雨酒方半洗瓊
重教就樹小冠欹側容與翺飛楚雀啣殘後那得筠籠
攜取嚼少許把緞核懷歸便擬分栽去停杯此住想昨
日湖南低枝小摘齒軟越溪女

解連環

寄家書用張玉田韻

斷蛩吟晚正苔痕露冷離魂吹散坐旅館聽盡瓊籤是
人倦背燈家山猶遠淚洒難收又和墨書來點點算解

城月黑秋風望極故人愁眼 塵飛軟紅冉冉縱無情
別去也成悵怨伴鴈影蘆荻烟波爲頻囑明年歸程同
轉雙鬢霜前想鏡裏星星先見只銷疑南浦長亭玉田
半卷

摸魚子

題王咸中石鵑山房

問山房古梅修竹烟開翠滴三徑結茅不遣塵飛到百
里湖光如鏡門外靜有春草春波春樹遙相映幽人寄
興看橋亘長虹塘迴走馬遠寺一聲磬 烏衣客卜築
攜家攬勝松花窈窕風磴石潭菜圃清厨足猿鶴時親
芳訊田二頃正麥浪桑雲商略陰晴信綠簑釣艇更小

閣歸來題香醉墨喜與鈍翁近

瑣窗寒 倭查

市舶晨飄靈槎夜泛海天風信攜來新樣乍愜蘭閨心
性是麟膠巧勻細填嵐低樹密添烟景又黛痕如鑑苔
枝冰蕊翠禽棲並 隱隱光初凝比括鏤純銀輸他晶
瑩玉蝓銅雀百福瑤窗相稱記層濤萬里南雲小鬟說
與仙路迴畫雙眉京兆催妝長伴菱花鏡

摸魚子

立夏日有感

乍清和山城飄泊客中驚換時序故園茅屋茶烟起梅
子櫻桃堪數曾幾度又脫我春衫冷却園基墅無端此

住問苦菜王瓜風筵露徑誰共一燈語
斜陽外皖口潮聲如許正當雙槳飛去閒鷗兩兩波心坐夢裏笑人
辛苦邀笛步好買箇輕舟東下京江渡柘西歸路有蠶
浴桑雲蟻浮松釀卧聽刺桐雨

又

聽新蟬吟風吸露愁人驚過槐序夏雲海近蓬壺出早
見奇峯堪數誰待涉笑捉鼻東山草暗圍棋墅西溪舊
住看翠蓋凌波濃陰綠港風動藕花語 蜨毫禪湘簟
涼生幾許殘英蝴蝶來去冰盤注水浮瓜好烏帽紅塵
良苦邀笛步猶記得樽前錦字紅牙度歸來有路計碧

樹斜陽茅簷散髮一醉豆棚雨

梓枝香 蟹

分湖野濶看一舸漁燈敗蘆吹雪網外潮生不用千絲
縈結水田香稻低烟穩聽聲聲草根泥滑仄行初縛縱
橫老許滿筐飛沫 正玉露凋傷萬葉愛籬菊溪楓殘
霞明滅檢點行厨眼沸茶鑪如活木蘭載酒江南去擘
霜橙暮砧時節那回風味踏歌人醉一身涼月

摸魚子

九日武園招同左羽岷培義山登慈仁寺
昆盧閣歸飲舟石寓

上層樓西風瑟瑟翠蓬吹遍雲氣玲瓏窗戶杳
靜烟樹滿城如薺官闕裏看碧瓦觚稜落日秋光洗
遙山暮

紫又低亞妝臺平分佛塔一點塞鴻起
題糕句公等揮毫色喜酒人且免顛顚
海棠零亂虬松仆風景年時誰似裘已
敝念短荻疎蘋森森江南水莢房菊蕊
向孤館紅燈霜螯細擘人擬故園醉

又送人還雲間

著征衫初蘋蕙轉短長亭外岐路人歸
并帶春歸也最是難銷離緒相送處祇
賸得橋邊楊柳迎烟舞千絲萬縷縱折
盡柔條吹殘冷葉回首黯無語江南好
一路杏花酥雨酒帘釣艇遙浦萋芽荻
笋鱸魚美風味故園如許三泖住還肯
念天街走馬高陽侶紅蘭白紵但月

冷簾旌背燈枕手曾有夢隨去

催雪

珍珠蘭

月暈簾旌烟霏帳額別采楚江風韻賸沉水濃熏朦朧
不定多少碧紗金屋只愛傍幽窗畱芳訊枝枝葉葉玉
鉤名露蜂來難認花影人乍醒記珠海夢歸一燈初
暝便密綰勻搓翦分妝鏡數遍蘭叢未識但細貼釵茸
雙蟬鬢更晚院摘貯冰甌香漬待傾新茗

孔傳鐸

字振路曲阜人襲衍
聖公有紅夢詞一卷

卜算子

月弔玉鉤斜雨長紅心草開落棠梨一樹花啼遍春山

鳥夜半想魂歸環佩聲聲杳人道愁無地可埋此地
埋多少

李

璿

字東來
錢唐人

清平樂

鴈

更籌寥廓鴈語空中落清響聲聲驚翠幕不管夜長夢
覺分明添我離愁舊情喚起新秋背著一天明月三
更頻過西樓

虞美人

小亭陣陣飄香雨百舌銜花語玉樓人杳暮烟橫惟見
滿堤芳草共愁生杜鵑只管催春去不道人離苦個

儂輕薄似楊花只是隨他流水遶天涯

蔣

睿

字存魯
嘉興人

江城子

夜來風急度征鴻露濃濃月溶溶何事砧聲偏傍小牆
東聽徹麗譙銀箭永人不見畫樓中幾多愁緒倩誰
通羨相逢惜相逢回首長亭衰草又粘空記得當時從
此去凝望處斷霞紅

林子威

字武宜婁縣人以
孫令祖贈編修

齊天樂

送仲兄之秣陵

昨宵夢約江流住今朝又還南浦明月孤舟白蘋烟棹

醉月吟風何處停杯不語替訴與傷春幾聲杜宇回首
斜陽青山流水帶人去 登高想君情緒荒臺猶在否
憑弔今古燕入烏衣苔鋪金井舊恨回頭無數故宮禾
黍况衰草寒烟天涯羈旅何似歸來小樓尋伴侶

李

蕃

字園公崑山人有
心隱集四卷詞附

菩薩蠻

秋閨

蛩聲唧唧驚秋夢醒來風送羅幃動一夜不成眠花鈿
落枕邊 海棠和露泣淚眼枝頭濕并作斷腸看有人
愁倚闌

吳儀

一

字琰符一字舒危錢唐人監
生有吳山草堂詞十七卷

厲樊榭云吳山松年所太學名震都下尤工
于詞王新城晚年有寄懷西泠三子詩曰得
村樂府兼山詩更有吳山絕妙詞此是西泠
三子者老夫無日不相思其為前輩推重如
此

清平樂

畫屏烟霧彷彿成陽路渭水無聲流月去照見懷家陵
樹 簫條孤客情懷酒酣獨上荒臺三月楊花似雪滿
城羌笛吹來

張

戩 字晉侯
錄唐人

小重山

過瓜步驛

浪跡年年嘆未收重過瓜步驛憶同游垂楊何處繫扁

舟長江水依舊向東流 寂寞轉添愁閒鷗隨浪影自
悠悠斜陽盡處遠山浮西風裏無數蓼花秋

陳謀道

字心微嘉善人諸生有百尺樓稿詞附

嘉善縣志心微工小令得南宋風致王尚書士道選入尚聲集稱其數枝紅杏斜陽句勝于宋子京人稱為紅杏秀才

臨江仙

春景

春到江南芳草綠垂楊搖曳池塘畫樓遲日照新粧半
簾花霧濕十里燕泥香 倚遍闌干人未至數枝紅杏
斜陽錦帆何日下瀟湘情隨流水遠夢逐曉雲長

徐

梗

字庾清嘉興人有西溪詞一卷

浣溪沙

十二珠樓列繡屏
綠楊紅杏暖風輕
春愁一縷細調箏
暮篆繞簾香寢燕
晴花灼樹暖畱鶯
無言獨自展桃

笙

俞士彪

一名珮字季璫錢唐人官崇仁縣縣丞有玉蕤詞鈔二卷

浣溪沙

眉翠都殘畫未成
臉紅微褪夢初醒
惱他妝鏡試分明
心裏祇因常有恨
人前還似不知情
背拈釵子畫銀

屏

林金佩

字鶴招青浦人

夢橫塘

風吟敗葉露卷殘蕉滿庭無限蕭瑟白石青溪奈眼底
都無人物雁語淒涼蛩聲嗚咽夕陽西沒怪故人不見
見了還愁恰俱是消魂客 獨上孫楚酒樓正悲哉秋
也悽君病骨旅館孤燈小別動人思憶只無那稜稜瘦
影秋水黃花寫顏色待七發驅愁五窮送鬼問何時始
得

沈

漢

字方舟
仁和人

蘇幕遮

小樓春芳院暮翠映紅遮處處迷香霧坐待宵深扇繡

戶半懸金釵倚枕輕輕語
彩雲流纖月吐荳蔻花開
不耐凝新露漏斷玉壺天
欲曙柳外鶯兒啼過紗窗去

沈永禪

字克將吳江人
有聆缶詞一卷

南歌子

甲帳溫鑪鴨心香熨枕鴛春風只在玉牕前
卻是小桃枝上占芳年
剔燭頻宵起停鍼向午眠
流鶯啼覺繡帷褰
懊惱一牀花夢又難圓

魏學洙

字子圓
嘉善人

鷓鴣天

輕捲珠簾試晚晴
山烟高起水波平
花多墜粉三分瘦

蝶并游絲一樣輕 春已去意如醒金錢何處卜歸程
黃鸝枝上休頻喚人在遼西夢裏行

沈

濤

字邇原
仁和人

小重山

城上斜陽畫角催接天秋水濶碧雲開涼風昨夜自西
來蘆花老飛雪捲成堆 憑眺獨傷懷舊時王謝宅滿
蒿萊興亡不盡古今哀荒臺下寂寞晚潮迴

沈叔培

字御冷錢唐
人有東苑詞

山花子

碧柳千條露未乾金衣百轉晚風寒還道後園花未落

國朝詩集卷一
三
強心寬 孤枕只餘魂縷縷小衫誰見淚斑斑舊日錦
書偏惹恨莫重看

陳

聞字聞生宜興人
有絃清詞一卷

浣溪沙

地僻村深竹影斜小池新雨漲春沙散分泉石到隣家
一曲晚風張緒柳半溪殘月杜陵花曉鶯啼夢破窻
紗

仲

恒字道久
仁和人

醉花陰

和金嶠庵韻

一春風雨春將暮又把春光誤無奈惱春情春鳥春花

都逐春歸去 春來原是無憑據 春去知何處 把酒囑
春風 我欲畱春試問春相許

周在浚

字雪客 祥符人有梨莊詞

水調歌頭

丙辰中秋 秋分

露洗殘雲淨 明月獨中天 家家試聽簫鼓依舊 太平年
人道良宵難邁 我喜秋分恰至 桂影亦微寒 鴻雁何方
至 飄渺有無閒 人散後 移竹榻 抱琴眠 紛紛門外 雜
香逐隊 看場圓 莫歎冰輪一點照徹 烽烟千里 好事古
難全 多少征夫淚 翹首望嬋娟

沈聖昭

字弘宣 仁和人

浣溪沙

閨情

枕畔堆雲小髻鬆無人幽夢自惺忪起來閒倚玉屏風
暗水漫侵芳草綠殘鶯頻睨熟梅紅日斜簾影恨重
重

于天麒

字千英金壇
人有石齋集

山花子

閒看雙雙燕子飛舊巢重整壘香泥似恨春光畱不住
語聲低驚醒朦朧窗下夢看花尋過畫欄西一陣晚
風都墜也滿前溪

蔣會貞

字鳴大
嘉善人

小重山

無數游絲裊碧空
飛飛雙燕子入簾櫳
桃花如雨夕陽中
風定處芳草覩殘紅
何事最愁儂
畱春春不住小
眉峯輕寒不覺減香筒
人去後長自倚薰籠

孫

琮

字執升嘉善人諸生

轉應曲

雨中晚歸再別文虎

秋暮秋暮哀柳寒潮古渡晚風許我船歸細雨
盧花雁飛飛鴈飛鴈江上琵琶聲斷

陸

棼

字林士平湖人貢生官盧龍縣知縣

雨中花

南浦街卮嬌管咽會偷把同心暗結星渚停舟河梁度
馬回首雲山隔 冉冉年華情漫切萍跡滯頓成拋撇
醉裏還思夢中頻覩不記經年別

顧散宜

字穀臣
嘉善人

望江南

芳草渡斜日照邗溝隋苑鶯花空故國蕪城楊柳繫孤
舟歌吹不勝愁 從別後尺素向誰投客夢幾回瓜步
月濤聲不盡廣陵秋相憶竹西樓

計

善

字廉伯
嘉善人

望江南

建業

臺城柳依舊鎖春風馬去綠莎迷晉渡燕來芳草沒吳
官山寺夕陽紅

王

攄字虹友太倉人監生
有蘆中集十卷詞附

浣溪沙

紈扇輕羅趁晚涼盈盈十里藕花香玉釵微蹙倦來恹
曲檻風多鋪枕簟小池水皺戲鴛鴦凭闌無語暗思
量

國朝詞綜卷十三